



TOSHKENT DAVLAT YURIDIK UNIVERSITETI REKTORINING B U Y R U G ' I

28.03.2024

202-tm-son

Talabalarga hayfsan intizomiy jazo chorasi qo'llash to'g'risida

Bugungi kunda universitetda yuqori malakali yuridik kadrlarni tayyorlash maqsadida talabalarni ma'naviy-axloqiy tarbiyalash, ularning huquqiy madaniyati va ongini oshirish bo'yicha samarali tizimni yaratish, ularda yuksak ma'naviy-axloqiy fazilatlarni shakllantirish hamda rivojlantirish maqsadida bir qator kompleks chora-tadbirlar amalga oshirilmoqda.

Shunga qaramasdan ayrim talabalar tomonidan universitet faoliyati haqida noto'g'ri munosabat, fikr-mulohaza shakllanishiga, universitet obro'siga, universitetda yaratilayotgan ochiq-oshkoralik siyosatiga zarar yetkazadigan qasddan harakatlar qilinib, universitet Odob-axloq kodeksida belgilangan me'yorlarni buzish holatlari kuzatilmoqda.

Jumladan, 2024-yil 1-mart kuni Ommaviy huquq fakulteti Davlat-huquqiy faoliyat yo'nalishi 1-kurs talabalari Madrahimov Azizxon Murodjon o'g'li va Yusupov Gafurjon Firuzbekovich, o'zaro gap talashib Universitetning 2-binosi orqa tomonida, tanaffus paytida mushtlashishgan.

O'zbekiston Respublikasi Milliy gvardiyasi xodimlari tomonidan tartibsizlikni oldini olish, urushayotganlarni ajratish choralari ko'rilgan va xodisa to'g'risida universitet mas'ullariga xabar berilgan.

Universitet Odob-axloq komissiyasi a'zolari tomonidan talabalardan mazkur holat yuzasidan tushuntirish olinganida, A.Madrahimov va G.Yusupovlar sodir etgan qilmishlarini tan olib, o'zaro gap talashib mushtlashib ketishganini, o'zlarini boshqara olmay qolganliklarini bildirgan.

Talabalar Madrahimov Azizxon Murodjon o'g'li va Yusupov Gafurjon Firuzbekovich o'zlarining yuqoridagi xatti-harakatlari bilan Oliy ta'lim to'g'risidagi nizomning (ro'yxat raqami 1222, 2003- yil 22-fevral) 43-bandi hamda Toshkent davlat yuridik universiteti Odob-axloq kodeksining 17-modda to'rtinchi xatboshi (tinchlik yoki osoyishtalikka qarshi tajovuz qilish, janjallashish, qimor va tavakkalchilikka asoslangan boshqa o'yinlar o'ynash), 18-modda birinchi qismi (Xodim, talaba va doktorantlarning o'zaro munosabatlari milliy qadriyat va an'analar, yagona jamoaviy muhit, o'zaro hurmat va e'tibor, do'stlik, hamjihatlik, halollik va adolat tamoyillariga asoslanishi lozim), 18-modda ikkinchi qismi (xodim, talaba va doktorantlarning o'zaro munosabatlarida inson qadr-qimmatiga hurmatsizlik, shaxsiyatni kamsitish, o'zganing intellektual mulkini o'zlashtirib

olish, qo‘pollik, behayo so‘zlar ishlatish, mushtlashish qat’iyan man etiladi), 26-modda to‘rtinchi xatboshisi (odob-axloqqa oid milliy an‘analarimiz, urf-odat va qadriyatlarimizni hurmat qilish)da belgilangan qoidalarni qo‘pol ravishda buzgan.

Yuqoridagilarni inobatga olib, O‘zbekiston Respublikasi Vazirlar Mahkamasining 2017-yil 20-iyundagi 393-son qarori bilan tasdiqlangan Oliy ta’lim muassasalari talabalari o‘qishini ko‘chirish, qayta tiklash va o‘qishdan chetlashtirish tartibi to‘g‘risidagi nizomning 36-bandi “g” kichik bandi, Oliy ta’lim to‘g‘risidagi nizomning (ro‘yxat raqami 1222, 2003-yil 22-fevral) 51-bandi, Toshkent davlat yuridik universiteti Odob-axloq kodeksining 17, 18, 26-moddalari hamda universitet Ichki tartib qoidalarining 83-bandiga asosan, shuningdek universitet Odob-axloq komissiyasi xulosasiga muvofiq,

BUYURAMAN:

1. Universitet Ommaviy huquq fakulteti 1-kurs talabalari Madrahimov Azizxon Murodjon o‘g‘li va Yusupov Gafurjon Firuzbekovichlarga hayfsan intizomiy jazo chorasi qo‘llanilsin.

2. Fakultet dekanlari (Sh.Saydullayev, D.Kamalova, B.Musayev, D.Umarxanova, A.Babadjanov):

mazkur buyruq mazmun-mohiyatini talabaning shaxsini sir saqlagan holda talabalar e’tiboriga yetkazilishi va keng muhokama qilinishini hamda talabalarga belgilangan tartib qoidalarga qat’iy rioya qilishini, nufuzli oliy ta’lim muassasasida tahsil olishini, universitet nomiga dog‘ tushurmaslik masalalarini talabalarga atroflicha tushuntirish choralari ko‘rsin;

talabalar bilan o‘tkazilgan suhbat natijalari yuzasidan yig‘ilish bayonlarini Ma’naviyat va ma’rifat markaziga taqdim etilishini ta’minlasin.

3. Ommaviy huquq fakulteti dekani (Sh.Saydullayev):

mazkur holat va shu kabi qoidabuzarlik ushbu talabalar tomonidan takroran sodir etilsa, ularni talabalar safidan chetlashtirish mumkinligi to‘g‘risida ogohlantirsin;

mazkur talabalarning shaxsiy hujjatlar yig‘ma jildlariga buyruq nusxasi tikilishini ta’minlasin.

4. Mazkur buyruq bajarilishini nazorat qilish Yoshlar masalalari va ma’naviy-ma’rifiy ishlar bo‘yicha birinchi prorektor A.Xashimhonov zimmasiga yuklansin.

Rektor v.v.b.



I.RUSTAMBEKOV

Kiritildi:

Dekan (fan doktori yoki fan doktori
(Doctor of Science) ilmiy darajasiga
yoki xorijiy davlatlarning unga
tenglashtirilgan boshqa ilmiy
darajalariga yoki professor ilmiy
unvoniga ega bo'lgan)

SH.SAYDULLAYEV

**Kelishildi:**

Yoshlar masalalari va ma'naviy-
ma'rifiy ishlar bo'yicha birinchi
prorektor

A.XASHIMHONOV



Direktor

SH.PO'LOTOV



Katta yuriskonsult

A.TURSUNOV

